

1300

Bosna i Hercegovina

Federacija Bosne i Hercegovine

Kanton Sarajevo

Predmet : Zastupnička **INICIJATIVA**

Datum: 09.06.2025. godine



Uputiti:

- Vijeće ministara Bosne i Hercegovine/ Ministarstvo sigurnosti
- Međunarodna organizacija za migracije - IOM BiH
- Predsjedavajući Skupštine Kantona Sarajevo
- Vlada KS/Ministarstvo unutrašnjih poslova
- Komisija za sigurnost SKS

INICIJATIVA ZA ZATVARANJE MIGRANTSKOG PRIHVATNOG CENTRA U BLAŽUJU

Na osnovu poslovnika Skupštine Kantona Sarajevo, mi zastupnice i zastupnici u Skupštini Kantona Sarajevo s područja Općine Ilidža, **podnosimo inicijativu kojom zahtijevamo hitno zatvaranje migrantskog prihvatnog centra u Blažuju.**

Tražimo :

1. Od Vijeća ministara BiH, Ministarstva sigurnosti BiH i Međunarodne organizacije za migracije (IOM):

- Da bez odlaganja pristupe procesu zatvaranja migrantskog prihvatnog centra u Blažuju;
- Da pronađu i uspostave novu lokaciju koja zadovoljava sve sigurnosne, tehničke i infrastrukturne standarde, u skladu sa međunarodnim i domaćim propisima.

2. Od Ministarstva unutrašnjih poslova Kantona Sarajevo i Uprave policije:

- Da značajno pojačaju prisustvo policijskih službenika na području Općine Ilidža, s posebnim fokusom na šire područje oko migrantskog centra u Blažuju;

- Da kontinuirano sprovode preventivne i operativne aktivnosti usmjerene ka očuvanju sigurnosti i zaštiti života i imovine građana.

3. Od Komisije za sigurnost Skupštine Kantona Sarajevo:

- Da hitno održi tematsku sjednicu na kojoj će biti razmotrena trenutna sigurnosna situacija u i oko migrantskog centra u Blažuju;
- Da usvoji zvanične zaključke i preporuke koje će poslužiti kao osnov za dalje postupanje nadležnih institucija u vezi s radom ovog centra.

Obrazloženje :

Podsjećamo da migrantski kamp u Blažuju, od početka svoga rada u decembru 2019. godine, nikada nije ispunjavao osnovne sigurnosne, tehničke ni infrastrukturne uslove propisane za objekte ove vrste. U proteklih više od pet godina, stanje na terenu jasno ukazuje na kontinuirane izazove i ograničene kapacitete nadležnih institucija u osiguravanju javnog reda, mira i sigurnosti građana, kako u samom naselju Blažuj, tako i na širem području Općine Ilidža i Kantona Sarajevo.

U tom periodu zabilježen je značajan broj incidenata, uključujući fizičke obračune, napade hladnim i vatrenim oružjem, oštećenje privatne i javne imovine, međusobne sukobe među migrantima, ali i najteže oblike krivičnih djela, uključujući i ubistva. Posljednji slučajevi, sa smrtnim ishodom, predstavljaju crvenu liniju koja zahtijeva hitnu, odlučnu i odgovornu reakciju svih nadležnih institucija.

Očekujemo da ova inicijativa bude razmatrana u najkraćem mogućem roku, te da se u skladu s njenim zahtjevima postupi odgovorno, odlučno i bez odlaganja, u interesu sigurnosti građana i zaštite javnog reda i mira.

S poštovanjem

Zastupnica **Arijana Memić**

Samostalna zastupnica

Zastupnik **Redžo Lemezan**

SDP BIH

Zastupnik **Elvis Vreto**

Narod i Prava

Zastupnica **Smiljana Viteškić**

SDA BiH

Zastupnik **Samir Avdić**

SDP BIH

Zastupnik **Rusmir Pobrić**

Narod i Pravda